

六岳登臨志

六岳盤臨志卷之五

北岳

恒之疆域

恒之總叙

恒之勝地

恒之神祠

恒之方士

恒之藝文

恒之雜記



北  
家  
畫



六嶽登臨志卷之五

楚荆門龔黃文中父編輯

北岳恒山

恒之疆域

水經注玄嶽北方屬水其色玄也或謂山有太玄泉  
故名又北為陰方故稱陰嶽

白虎通北岳常山者陰終陽始其道常久也

風俗通恒常也萬物伏北方有常亦謂之常山

五岳圖云恒山高三千九百丈七尺上方三十里周

世  
迴三十里有太玄之泉神草一十九種服之可度

山河會要唐十道其四曰河北道名山曰常岳元和  
間改常山即為鎮州故又稱鎮岳山中林木森蔚  
人不敢伐故又稱大茂山

管子曰其山北臨代南俯趙東接河海之間早生而  
晚殺五穀之所蕃熟四種五獲焉

春秋元命苞畢星散冀州分為趙國立為常山常山  
是畢昴之精也昴為旄頭主胡

史記避漢文諱稱恒山為常山

蘇秦說趙曰趙地方二千餘里西有常山

張儀說楚王秦地半天下席卷常山之險必折天下  
之脊

元史地理志中上府曲陽縣注云北嶽恒山在焉  
唐一行山河兩戒說北抵常山之右是謂北戒  
星經北戒為胡門

王制自恒山至南河千里而近

韓琦記天下之嶽五獨北之常山人目為茂山而嶽

名不著夫嶄然而石坳然而谷泉焉而衆派別林  
焉而萬幹擢嶽之形也條霽倏冥伏珍見祥喜焉  
而風雨時怒焉而雷電發嶽之神也

宋白憲記載稽地志緬眺靈區挺喬嶽以奠方衛朔  
王而作鎮

趙毋如曰從常山上臨代代可取也

地道記常山在上曲陽西北百四十里上曲陽故城  
在今曲陽縣西五里北行四百五十里得常山坂  
號飛狐口北則代代郡也



廣輿云冀州天下之上國唐虞以來聖賢之淵藪帝  
王之寶地易水以南膏壤千里所謂神州也

朱元晦云冀都是天地間好風水山脉從雲中發來  
雲中即大同是高脊處自脊以西之水則西流入  
於龍門西河自脊以東之水則東流入于海南面  
黃河環繞而右畔華山至中州為嵩山是為前案  
遂過去為泰山聳於左淮南諸山為第二重案江  
南諸山為第三重案

王禹偁記地屬陰方位居水德八卦在坎四時為冬

同陰沍寒萬物之所藏伏早生晚熟五穀之所蕃  
滋帝堯開唐國之封大禹奠冀州之域厥有巨鎮  
茲惟恒山却鴈塞以標雄壓龍荒而挺秀天官蓋  
野勢當昂畢之星彗象流形名叶雷風之兆下幹  
神軸高摩斗魁土俗粹靈登神仙者七十戶歲時  
祀禱置侍祝者九十人歲簡子之實符產昌容之  
寶象足凍長城之窟影連大漠之墟

考  
記北嶽恒山北方巨鎮壑容峭峙地勢峽軌  
處太行而繚碣石負寒谷而面水川限華夷之表

襄壯宇宙之隘害

杜光庭洞天福地記三十六小洞天第五洞北岳鎮  
山周迴一百三十里名總玄之天在鎮南

恒之總叙

復州陳文燭曰曲陽縣城西北隅有北嶽廟廟中有  
飛來石渾源州南十里為磁窯口有懸空寺又西行  
四里有坊曰北嶽又里許兩山夾道疊石為門者三  
是為天門又東南循石級而上行數里名為步雲路  
又陟峻坂名為望仙嶺嶺東半崖中為集仙洞東北  
為紫芝峪西南有石脂園自望仙東南上進數里為  
翠雪亭其南峯有真武廟自翠雪東過茶亭為遊人  
憩息之所又行數里為虎風口又上里許為三清廟

又東行有坊扁曰蓬萊真境又轉而西南上進為北  
嶽廟廟西有安王石又西為淨一菴廟東兩崖壁立  
有飛石窟又東上百餘步為會仙府又東有琴棋臺  
是為北嶽絕頂下有玉皇祖師二廟又東北有凝翠  
亭白雲堂嶽廟東峯有夕陽巖巖下有通玄谷又東  
為碧峯嶂東南為古老嶺嶺下有白虎峯西為張果  
嶺嶺下有白龍洞嶽廟旁有龍泉觀是為上觀而龍  
泉下觀則在州城東自嶽頂周覽則北有鳳凰山栢  
山玉泉山龍角山西北有畫錦山馬鞍山西有封龍

山南有翠屏山東南有孫臏山東有五峯山東北有  
玉華山秀麗山嶽北有神溪西北有李峪水西北黑  
龍池乳泉水西南有潭源川有凌雲口水南有澗水  
東南有嘔夷水東北有崞川嶽山之麓為關口者六  
北有磁窯口西北有李峪口西有小凌雲口大凌雲  
口西南有大寨頭關東有亂嶺關

恒之勝地

山十二

鳳凰

在州治西北七里其形若鳳翼軒翥神溪之水出焉

栢

在州治南乃岳之北麓其山多栢潭源八景其六曰栢巖秋色

玉泉

在州治東南封龍山東北五里山上泉水甘冽色潔如玉山下有玉泉寺潭源八景其五曰玉泉寒溜

龍南

在州治北二十五里山形蜿蜒上有兩峯如南

畫錦

在州治西北二十五里元孫公亮居此公亮由御史仕至尚書歸故以名山

馬鞍



在州治西北形如馬鞍與畫錦相連

### 封龍

在州治西南十五里一名龍山每歲夏時雨過山  
氣如虹金末李治元好問張德輝嘗遊此稱為龍  
山三老山上有大雲寺林密樹石皆在几席寺西  
巔上有文殊巖巖前長松數本拉立干霄有石磴  
百級下瞰無底之壑南望五臺諸峯若與此山連  
絡無間西北望則峯豁川明村墟井邑隱約微茫  
在數百里外一覽可盡寺北是為塋草坡乃封龍

山絕頂山勢險峻攀蘿捫條始得登焉四望群木  
皆翠杉蒼檜凌雲千尺雪後山色更奇潭源八景  
其四曰龍山霽雪

翠屏

一名高氏山在岳山南麓山形壁削遠望如翠屏  
然泄水出焉舊有翠屏書院金劉撫蘇保衛講學  
處

孫贖

一在州治東南六十里上有孫贖寨南麓有千佛洞

鑿石而成像制精巧西山之麓有麗洞寨距孫臏  
山數里孫臏二人嘗聚兵於此以制敵

五峯

在州治東五峯如削旁有三洞

玉華

在州治南十里岳山左協也峯巒挺秀形如削玉  
有麗

山勢秀麗一名惠崩在州治南栢山之西封龍山  
之東北恒之北麓也

恒山絕頂

即天峯巔之巔

紫芝峪

在翠仙巔東北常產紫芝

通玄谷

在夕陽巖下

碧峯嶂

在夕陽巖東

飛石窟

在岳廟東上有后土祠俗傳恐石再飛建后土祠以鎮之

步雲路

自天而上凡歷數里石磴紆曲路徑亦不甚險

峯一

白虎

在古老崩下

崩三

望仙

在步雲踏盡處山勢峻拔

古老

在岳廟東南

張果

在岳廟西張果嘗棲息於此唐開元中桓州刺史以狀聞玄宗以璽書迎果至東都問道果怒辭還山剖曰恒州張果先生跡先高尚深入窈冥莫詳甲子之數且謂羲皇上人果乃入恒山舊隱處詔賜衣服及雜絲等仍為立觀

石二

飛來

在德寧殿前飛石殿中

口五

磁窠

在桓山右楊關口上有磁窠天險回大字其石硖有張巨詳刻此扇風葫蘆人過此雖暑熱亦有風生硖口漢水東西分引入關城渾源八景其一曰磁硖煙雨

虎風

在岳廟前峽口松風聲如虎吼故名潭源八景其二曰岳頂松風

李峪

在州治西八里

小凌雲 大凌雲

并在州治西南十里南通代州北樓口

水五

李峪



在州治西南十五里

乳泉

在州治西二十里

凌雲口

在州治西南三十里

澗

在岳南七十里發源翠屏山山海經云高氏之山  
澗水出焉水經又以為溫夷之水蓋古今異名也  
西南合溫泉水入靈丘縣界過倒馬關注唐河至

河間為鏡河玉帶河其溫泉發源宣谷水熱若湯  
一稱湯泉浴之可愈疾

嘔夷

發源捨峯嶺合石溝謀室之水自西北流入東南  
經靈丘廣昌倒馬關定州界注於魏河入海周禮  
職方氏并州川曰嘔夷是也今名澹河

川二

澤源

發源川嘆土峪分流至州西北匯為大澤而沉過

神漢律呂祠曲拆西北流入桑乾河又東南流入  
蘆溝河

崞

自州治東北二十里發源經州治西南十五里古  
石崞縣麻家莊流至應州西安鎮折而北流入桑  
乾河

溪  
一

神

在州治北七里發源鳳凰山溪中有孤石方畝許

高丈餘上建律呂神祠石玠講學溪旁嘗建石溪  
書院神祠四周泉水瀟出旁有受水池雖隆冬不  
水渾源八景其七曰神溪夜月

池一

黑龍

在秀麗山下池中若有雲氣上升不三日而雨渾  
源八景其八曰池水晴雲

洞二

集仙

在望仙巖東畔洞中深廣可容數十人有石牀石  
竈之類

白龍

在張果巖下

古蹟

安王石

在岳廟右州志云帝舜十有一月巡狩北岳詣大  
茂山谷值大雪不能進而違祀之忽廟右飛一石  
冉冉墜帝前今恒山廟右安王石是也又五載巡

狩復飛一石于曲陽因建廟以祀

統志貞定恒山注云唐貞觀間忽有飛石墜於曲陽縣西因建祠祀之

桓之神祠

廟三

北岳

在天峯巔下自舜北巡至桓山歷三代秦漢以迄于隋皆祀北岳于此後魏都雲中嘗建殿宇唐宋以後始改祀曲陽焉由後魏至金元岳廟廢興不一至國朝屢加興建

三清

在岳廟北

貞武

在翠雪亭南峯上

寺

懸空

一名靜居寺在磁窯口內石壁如削鑿竅挿梁結構於數十仞之上飛閣相通下臨無地

觀

龍泉上

在岳廟旁唐武帝中道士高明素建以恒山之陰



有耳若二泉飲之可愈疾旱雩輒應名為潛龍泉  
因以為觀名

龍泉下

在澤源州東門外唐開元二年建玄宗賜額龍泉  
觀

巷

浚

在岳廟西羽流修煉者多居此

府

會仙

相傳群仙嘗聚會于此

亭三

茶

在翠雪亭東俯深澹高如凌虛魚又有碧雲九華  
二亭以供遊息

翠雪

以竹名

凝翠

在岳廟東峯日已西沉迺照獨久潭源八景其三  
曰夕陽晚照

臺

琴棋

在天峯崩上昔有人在臺下聞彈琴奕棋聲今臺  
上石棋枰尚存

門

天

在北岳坊南樓上扁曰天下名山

執事堂

恒之方士

仙女傳一人

昌峇恒山女道士自稱殷王女食蓬萊根往來山下見者二百餘年顏色如二十餘歲人

北史三人

李皎後魏大武時人安東將軍先之少子也爲寇謙之弟子服氣絕粒數十年後隱於恒山年九十餘顏如火童一旦沐浴冠帶家人異之俄而生卒道士咸稱其得尸解之法

恒岳仙人不知姓名由吾道榮瑯琊人必為道士遊  
燕趙聞聞晉陽有人明法術性尋之是人為人備力  
無知者道榮訪見是人得傳道家符祝及歷數醫相  
之術歲餘是人為道康曰我本恒岳仙人有以罪過  
為天官所譴今限滿得歸却宜送吾至汾水過汾河  
水漲橋壞是人臨水高步以符投水中流便絕是人  
自沙石上渡去汾河如故是人忽不見

吳遵世字季緒渤海人少學易入恒山忽見一老翁  
授以關心符遵世跪受而水吞之遂明占卜事魏孝

武齊文襄占事多秘中著易林辭占百餘卷

唐書 一人

張果往來汾晉間耆老云烏兒童時見之自言數百  
歲矣唐玄宗賜號通玄先生恒山有果老巖相傳張  
果嘗隱居巖下

白玉經 一人

北岳恒山是長桑君行道處

士源本傳 一人

宜城王士源藻思清遠深鑒文理好遊各山年十八

至恒岳資求通玄夫人

龍門山記 一人

徐元英不知何許人支路元素因入龍門山遇老人  
與藥十粒曰服此則不穢吾姓徐字元英新受長素  
君牒召為北岳長史言訖化為童子乘雲而去後人  
即其處建徐童觀

趙時中遊山記 一人

曹仙姑修道於北岳栽桃種蓮又龍門山獅子峯下  
多桐木花清香其實可柰青碧色若孩植他處則不

活仙姑乃移柩於北岳更茂

道遇壘 一人

慧遠禪師本姓賈氏弱而好書尤喜莊老性度弘儒  
風鑒朗救年二十一聞沙門釋道安講法於太恒山  
遂往從之一日聽講般若經豁然有悟乃與弟慧持  
投簪落髮慨然以大法爲己任晝夜行時一時宿儒  
老衲咸推服焉



桓之藝文

詩

送李道士歸桓山

崔洞

秋城臨古路。城上望君還。曠野入寒草。獨行隨遠山。  
授人鴻寶內。將入白雲間。早晚燒丹罷。遙知冰雪寒。

雲中行

薛童

雲中小兒吹金管。向晚因風一川滿。塞北雲高心已  
悲。城南木落腸堪斷。憶昔魏家都北。方涼風觀前朝。  
百王千門晚映山川色。雙闕遙連日月光。舉杯稱壽

永相保日夕歌鍾徹清昊將軍汗馬百戰場天子射  
獸五原草寂寞金輿去不歸陵上黃沙塵路飛河邊  
不語傷流水川上含情數落暉此時獨立無所見日  
暮寒風吹客衣

謁張果

李頎

先生谷神者甲子焉能計自說軒轅師于今數千歲  
寓遊城郭裏浪跡希夷際應物雲無心逢時每不繫  
霞餐斷火粒野服蕪荷製白雲淨肌膚青松養身世  
諳精殊豹隱鍊質同蟬蛻忽去不知誰偶來寧有契

二儀齊壽考六合隨休憇彭丹猶嬰孫松期且微細  
常問穆天子更憶漢皇帝親屈萬乘尊窮遊四海商  
車徒徧草木錦帛招談說八駿空往還三山轉虧蔽  
吾君感至德玄老欣來詣受籙金殿開清齋玉堂閉  
笙歌迎拜首羽帳崇嚴衛禁柳垂香鑪宮花拂仙袂  
彌慶寶祚廣致富蒼生惠何必待龍湖垂鼎成方取  
濟

渡河北

王 褒

秋風吹落葉還似洞庭波常山館代郡亭障繞黃河

心悲異方樂。腸斷隴頭歌。薄暮臨征馬。失道北山阿。  
渾源八景

董錫

磁硤煙雨

南山硤口勢嵯峨。嵐氣冥濛覆澗阿。春崩騰煙迷徑  
路。晚雲釀雨濕藤蘿。懸空寺上晴偏少。磁硤城頭晦  
亦多。土脉如酥農力盡。年年風景更如何。

岳頂松風

岳祠半插碧霄岑。頂上松風響茂林。晝靜何殊仙樂  
奏。月明無異老龍吟。乾坤影裏誰歌吹。呼吸聲中自

古今。那得登雲飛上去。好參造化踏塵襟。

夕陽晚照

西沉殘日竟茫茫。山有名樓載夕陽。數片晚霞鋪異色。幾重暮嶺弄餘光。僧歸野寺聞鐘急。鳥向疎林待月藏。可是岳靈多勝事。萬年延照豈尋常。

龍山霽雪

龍山突出數峯高。曉日朦朧雪未消。玉樹分明圍古寺。冰壺恍惚掛青霄。光凝孫戶供清讀。寒擁袁門斷俗覓。天霽雪峯類紙目。豪吟不減灞陵橋。

玉泉寒溜

一道寒溜號玉泉。萬峯山下不知年。派分銀漢河中水。清徹冰壺洞裏天。汲甕烹茶香透骨。題詩漬墨冷寒煙。試看活水源頭處。霽月光風共泐然。

栢巖秋色

巖頭古栢拂蒼穹。幹結根盤萬石中。肅氣橫空清更冽。翠光匝樹鬱還濃。他山秋葉紛紛下。暮景霜風冉冉紅。惟有此峯多秀異。容顏不變沃金風。

神溪夜月

律呂祠造十泓溪。碧潭千頃漾玻璃。清光下燭波痕  
淨。寒氣高騰月影迷。徹夜清空涵麗景。映川霜鏡照  
幽棲。問天騷首鏡清興。愧乏卮盃李白題。

池水晴雲

迢迢峪口散餘氛。雨過峯頭日又曛。千樹影隨千樹  
月。半溪晴逐半溪雲。前時飛散天光淨。此日歸來霽  
色分。寄語山靈好收拾。商林變化待東君。

岳廟

李夢陽

崑崙一片飛來石。黑帝行宮起曲陽。北待明堂虞典

禮。西京穹石。漢文章。功深雲雨。龍蛇會。勢限華夷。虎豹藏。今代朝廷開北極。恒山千古是金湯。

岳頂

北岳元來當北極。五臺長自五雲生。金銀氣湧青連嶺。宮闕星連黑帝京。一覽下疑燕代小。徐看真覺華嵩平。天門獨取千巖月。風度嘈嘈廣樂鳴。

又

天高西北還喬岳。下視東南盡大洋。玄武蒼蒼氣流黑。扶桑滾滾濤浮黃。回巖日射千松暗。絕頂風來六



月霜安得移。將萬人石。頓令炎海生清涼。

謁廟

劉應節

大茂石飛向帝州。曲陽宮殿肅清幽。山含靈氣嘗多  
雨。風入遶聲散早秋。冀野闕河盤地轉。玄天星緯抱  
雲流。聖朝禮樂仍虞典。不用登封五岳頭。

謁廟

畢孝

峩峨恒岳鎮雲中。望秩何年有必宮。片石飛來明月  
冷。六龍歸去碧山空。松杉曉挹浮嵐翠。殿閣晴推旭  
日紅。敬謁辨香修歲事。蒲庭霜葉起秋風。

桓山行

王 綸

渾源自古雄朔方，突兀巖峯尖似削。箇中高大惟桓山，插破雲霄無地著。碧潭春泛龍泉湧，瑤草香迷望似巔。紫芝峪冷九天霜，琴棋臺聚三山景。步雲路轉數百折，通玄谷高數百疊。夕陽巖畔色蒼茫，白虎峰前光皎潔。四時噫氣林梢吼，翠靄蒼煙封洞口。我來振衣千仞岡，依稀踏遍無何有。顧瞻雲外伊吾北，夷夏分明兩地隔。虎豹深藏風自生，遠驚胡馬潛跡跡。俯視羣山勢如騁，保障雲中千萬井。月明拍落胡笳

聲春老人鋤桑石影古來誰表名山鎮經國分疆詵  
虞舜來進來祀祭民風不比穆王誇八駿當年石飛  
到曲陽風隨石去吹天香 皇明土宇追陶唐至今  
玄岳祀冀方兩地草木沾餘光

岳頂

楊一清

歷歷遶城愧激揚。雨餘烏府發秋光。山高直聳三千  
丈。羣小才分十四鄉。歲月有窮憐鬢髮。功名無用是  
文章。苦吟生惱江東客。到處令人詠和忙。

登岳

胡倫

劉晨携我上恒山。恍惚馮墟駕紫鸞。天地無窮存廟  
貌。雲煙飛盡見峯巒。龍涎吐雪泉源冷。螺髻堆青石  
髮寒。擬學孫登舒一嘯。萬林聲響落楓丹。

恒岳

雷霖

危巒秀聳白雲齊。回首白雲偏覺低。峙立宛如富國  
柱。登臨即是上天梯。松風浩蕩聲無盡。烟雨霏微望  
欲迷。虞舜北巡傳聆響。至今飛石在塗泥。

登恒山

王雲鳳

北岳天峯孰與齊。攬沙聚米萬山低。三千世界此時

眼。十二瓊樓何處梯。風吼青松巖欲動。雲埋蒼磴路將迷。空嗟縱嶺登仙子。自笑形骸濁水泥。

碧雲亭

沈鍾

曲磴依青嶂。危亭鎖碧雲。日窮三岳外。身入八仙群。遠岫飄晴靄。長松掛夕暉。振衣上絕頂。直擬扣玄君。

天門

樊鵬

山徑隨樵入。丹梯下馬攀。山童雲不散。澗逼水相關。一洞青天外。孤峰落照間。仰高頻努力。應得到桓山。

望桓岳

蘇佑

卷一  
三  
七  
峯帷渡渾河矯首望恒山巍巍一何高雲霧隨躋攀  
九折丹磴危百轉迴峰巘玄武揚光靈奠茲幽朔間  
萬里奄紫極龍沙皓漫漫伊昔阻北望側身愁燕關  
振衣覽今夕綿邈開心顏

州里通岱宗川原阻登眺茲辰玄朔遊躋恒覽微迴  
風吹輕衣松日暄照耀虎谷颯歔吸龍岡鬱奔峭埃  
壚蕩紛濁壤卽登孤嘯向平瀕婚嫁莊生悟出妙緬  
懷愜情素異代可同詞

指古瞻重華御天乘六龍禋祀望上帝玉帛望群宗

鳴鑿不蒲坂羣華馳雲中精誠先感祐神功倏以通  
石飛曲陽野燔柴禮告終回馭朝萬國四夷來咸同  
秦漢良可馳唾檢玉勞登封

鬱鬱紫芝峪杳杳黃雲塞胡馬一何驕彎弓爲患害  
朝圍白登城暮絕青海外周宣示薄代漢皇侈封拜  
李廣胡不候魏尚已被逮志士多扼腕古今成歎慨  
含笑問彼蒼是非竟安在

文

張嘉貞二段

五精同朗辰爲水其味鹹五鎮俱清恒爲冬其音羽  
大哉茲岳殊于衆山嵩華乃馮于近甸衡岱不踰于  
方域孰與夫包括綿長經綸中外外夷有昂宿主胡  
則延衰以限之中即有五寶符在代則高裏以臨之  
其頂也上扶乾門黑帝之宮觀其足也下捺坤軸玄  
神之都府豈止劈冀魏截幽燕拒拱河撐大海瀕洞  
合者率天下之襟帶崕岷嶢巖一字內之標括者也

喬宇二段

北岳在澤源州之南紛綴典籍書著其爲舜北巡狩



之所謂恒山水經著其高三千九百丈爲玄岳福地  
記著其周圍一百三十里爲總玄之天子家太行白  
巖之傍距岳五百餘里心竊慕之未及登覽懷想者  
二十餘年至正德改元奉 天子命分告于西蕃圖  
陵鎮瀆道經渾源去北岳僅十里許遂南行至麓其  
勢馮馮煜煜恣生于天縱盤于地其胃盪高雲其巔  
經赤日

振衣絕頂而放覽焉東則漁陽上谷西則大同以南  
奔峰來趨北盡渾源雲中之景南自五臺隱隱在三

百里外而翠屏五峰畫錦封龍諸山皆俛首伏脊于其下因想有虞君臣會朝之事不覺愴然

吳寬一段

四岳之名起於舜舜以一歲而巡四岳使乘輿必至其山勢能徧歷之乎雖所謂兵衛少而徵求寡無亦不勝驅馳之勞乎蓋古之紀事者言其大約而已故天子入其地特覲諸侯於此若山川之遠者則望而祭之故曰望秩于山川又何必曲取不經之說以爲證耶蓋五岳所峙有定位天子所居無定都秦漢不

必論如以遠周所居以求岳之所在必無能合者恒  
山之神自古祭於曲陽若山西渾源州南有山高丈  
峭拔世以爲恒山其下有廟蓋亦古矣或以曲陽之  
山不大於渾源遂疑之不知山川相距雖千百里在  
天壤間特咫尺近耳况其地皆在河北山于此而望  
祭于彼又何較其區區彼此之疆界乎且世俗東岳  
有廟徧天下又安可泥其迹而求之也

陳文燭二段

恒山自唐季藩鎮李寶臣王武俊等竊據冀鎮百有

四十餘年至五代石敬瑭以山後諸州賂契丹而恒山遂不為中國所有自契丹稱遼歷金元而恒山淪於夷又四百五十餘年以故前代文人登覽者少題詠不得如它岳矣

恒山在今大同渾源州古冀州域而北岳廟在今定州曲陽縣亦古冀州域說者謂宋人失山後十六州以曲陽一片石為恒山飛來因而立廟以祀北岳如三國志孫皓以陽羨山石裂為瑞立廟祀南岳也然定州志又謂祀北岳飛來石始自虞舜至今未改漢

書郊祀志祀北岳常山於上曲陽宋九域志上曲陽  
漢常山郡縣元和初改名曲陽唐六典亦云立冬之  
日祭北岳恒山於定州夫虞舜漢唐非若宋之偏安  
也皆祀北岳曲陽而不祀於渾源之恒山此何故焉  
五岳定位古今不移而馬端臨通考引遷史云三代  
皆居河洛間故嵩高為中岳而岳各如其方秦都咸  
陽則五岳皆在東方意謂秦漢時四岳名位未協此  
俗士之見也余嘗謂玄黃既判五岳即時于五方自  
上古三皇以來帝都無定在五岳豈因帝都轉易哉

金世宗時議郊祀或言前代都長安及汴洛以太華等山列爲五岳今既都燕當別議五岳名太常寺僚屬引嵩高䟽周都鄴鎬以吳山爲西岳可證太常卿范拱以爲非是乃上議曰軒轅居上谷在恒山西舜居蒲坂在恒山之北皆未嘗因都而改岳祀也金主從之遂不改我孝宗敬皇帝弘治初兵部尚書馬文升疏稱五岳之名宜從京師今京師既定於燕則恒山不當爲北岳而醫無閭之爲鎮亦不在北宜下廷臣會議改焉禮部尚書耿裕欲從會官之議侍郎

倪岳執不可遂止吳郡王世懋五岳真形圖序云五岳為天下宗屹定五方之位歷萬禩而奠之敢易奔走玉帛紫高群秩必薌蕙蒿之日久豈無大神焉是昭是馮以為之主惟聖人必通其故特秘而不以語人爾此以岳神言也未及方位也余聞縉紳先生諸論唐虞三代西北地廣而東南地縮秦漢之時東南之地日闢唐宋以後西北之地日淪於夷云蓋堯舜皆都冀州恒山近帝畿舜以其地廣析冀州北境為并州在恒衛二水之間因石并禹貢恒衛既從是也

親職方以霍山為冀州鎮恒山為并州鎮則恒山以  
北其地廣可知禹雖登恒山巡會稽而吳楚皆在荒  
服閩粵黔滇又在荒服外未通中國自秦以來衡山  
所鎮之地東南皆際於海視三代為廣而恒山所鎮  
之地視三代為縮恒山在大同即古雲中九原定襄  
代郡地秦漢制天下為三十六郡而此地居其四漢  
武析置郡國而并州析為十郡則雲中定襄五原代  
郡鴈門居其五今考其故域雲中在勝州榆林五原  
即廢豐州地也漢地理志雲中有咸陽陶林沙南北



輿積和武泉諸縣五原有臨沃文國武都曼栢莫點  
河目諸縣定襄有成樂桐過武阜安陶襄陰復陸諸  
縣代郡有高柳鹵城班氏參合且如平邑諸縣今皆  
非中國所有則夫大同府不過雲中之東境定襄之  
南境代郡之北境五原之南鄰也而秦漢所置雲中  
定襄之西北境與九原之地盡棄之塞外矣然自晉  
時烏桓鮮卑已構訛於并州而契丹據山後諸州又  
豈待石敬瑭之賂而後攘為已有哉 國朝永樂初  
既乘大寧地宣德時又棄開平地惟存東勝諸衛耳

正統末年天棄東勝諾衛地於是秦漢四郡不易復  
而大同之勢益孤則恒山所鎮并州之域安得如唐  
虞三代之廣乎若夫祀恒岳曲陽與渾源固不必論  
已

恒之雜記

山海經二段

北岳之山多枳棘剛木有獸焉其狀如牛而四角牛  
目彘耳其名曰諸瓌其音如鳴鴈是食人

西次槐江之山東望恒山四成有窮鬼之居各在一  
搏

史記一段

趙簡子謂諸子曰吾藏寶符於常山中往得者立爲  
後諸子皆競往無所得無即曰常山臨代代可取也

簡子曰是知符矣遂立

孫子兵法一段

常山之蛇名曰率然一身而兩頭擊其一頭則一頭至擊其中則兩皆至

一統志一段

漢太初元年六月望弘州人張珪脫憇神谿孤石上有神人自空而下言曰律呂律呂上天勅汝此月二十日行硬雨語畢騰空而去珪至家遍語鄰村人使速收麥未及收者至日爲雨所傷盡空事聞朝廷遣

使祭焉遂立律呂神祠於孤石山

後漢書一段

太原縣北有銀牛山漢建武二十一年有人騎白牛  
踐人田田父訶詰之乃曰吾北海使將觀天子登封  
遂騎牛上常山田父尋至山下惟有牛跡遺糞皆銀  
也明幸世祖果封禪

魏書本紀一段

太平真君四年二月車駕至恒山詔有司刊石勒銘

魏書禮志一段

後魏太宗幸代至鴈門關望祀恒岳後三年南巡恒岳祀以太牢

魏書靈徵志三段

天賜六年三月恒山崩

景明四年十一月恒山崩

正始元年十一月恒山崩

皇興三年六月尉元屯彭成遣將別至睢口邀敵將陳顛達與戰有兵士於營外五里芻牧見一白頭翁乘白馬呼兵士曰我與東海四瀆太山北岳神助汝

二將言訖忽不見

定州志一段

賈榮盡曲陽岳廟鬼傳爭可駭詭云北岳廟鬼中山  
昆廬寺水皆極古今之妙蓋唐時蕙物今之盡工莫  
能及

前燕錄一段

慕容雋壽光二年常山得壁七十一光色有異雋以  
為神岳之命以大牢祀之

唐年補錄一段

王廷湊生於恒山西南三十里石邑別墅生常有鳩  
數十集庭樹暮宿簷下廷湊善陰符鬼谷之書歷戎  
職得士卒心唐長慶初奉使河陽因酒醉寢於道有  
一人過而熟視之曰貴當列土廷湊寤從者竄載英  
以告廷湊馳追數里問之其人曰我濟源駱山人也  
見君鼻中氣左如龍右如虎龍虎氣交當王於今年  
秋子孫相維滿百年又云君家庭前合有大樹及於  
堂是兆也廷湊歸是年七月遇田弘正之難軍中立  
廷湊爲留後庭樹果接於堂廷湊嘗往祭塋西飛龍



山神廟相去百步見一人衣冠迺於道傍及入廟神像側生遂立向東建廟焉

酉陽雜俎一段

常山有草名神護致之門上每夜有叱聲

樹萱錄一段

黃帝登恒山於海濱得白澤神獸能言通於萬物之情因問天下鬼神之事令寫爲圖作呪邪之文以祝之

山西通志一段

金蘇右丞保衡未第時讀書翠屏山中月黑有物舒  
手入窓其大如箕而索舖焉蘇拈筆押一字其上  
手不得去乃哀告久之蘇乃拭其字而後得去